



INSTITUTE FOR THE RESEARCH OF GENOCIDE
CANADA

18. april 2014 godine

Visoki predstavnik Valentin Inzko
Ured visokog predstavnika i specijalnog predstavnika Europske unije
Emerika Bluma 1
Sarajevo, 71 000, Bosna i Hercegovina

Poštovani Visoki predstavnici Inzko,

U ime Bošnjaka u Sjevernoj Americi, državaljana Bosne i Hercegovine {BiH} i žrtava genocida i agresije u BiH, Kongres Bošnjaka Sjeverne Amerike {KBSA} i Institut za istraživanje genocida, Kanada {IGK} apeluju na Vas i na Vijeće za implementaciju mira da pod hitnom postupku poništite jednostranu odluku Vlade entiteta Republika Srpska {RS} da doneše tzv. Privremeni zakon o vršenju provjere tačnosti i istinosti podataka. Ovaj čin predstavlja direktni napad na Dejtonski sporazum jer su u pitanju prebivališta regulisana na državnom, a ne entitetskom nivou. Ovo je također jednostrano anuliranje Aneksa VII o povratku i slobodi kretanja povratnika i poziva na *de facto* obnovu agresije na državu BiH koja je trebala da se zaustavi u Dejtonu.

Kao visoki predstavnik i kako članice Vijeća za implementaciju mira imate obavezu i odgovornost da zaštitite Dejtonski sporazum i spriječite anuliranje Aneksa VII, jer su ovim zakonom ugrožena osnovna ljudska prava i slobode građana bošnjačke nacionalnosti s ciljem da se sprijeći odziv glasača na teritoriji manjeg entiteta. Ova odluka je posebno diskriminirajuča protiv građana nesrpske nacionalnosti koji privremeno žive u dijaspori, ali imaju prijavljeno prebivalište u entitetu RS. Ukoliko ne reagujete hitno i oštro, možemo očekivati aparthejdsko ponašanje institucija u entitetu i eskalaciju sigurnosne situacije u BiH.

Istovremeno pozivamo sve probosanskohercegovački orjentisane predstavnike na svim nivoima vlasti u BiH da bez odlaganja poduzmu sve potrebne mјere u cilju odbrane mira i države BiH koji su ovom Odlukom ugroženi.

KBSA i IGK će hitno informisati političke subjekte u SAD i Kanadi o navedenoj Odluci. Istovremeno će biti informisane mnoge internacionalne organizacije za zaštitu ljudskih prava i sloboda.



Congress of
North American
Bosniaks



INSTITUTE FOR THE RESEARCH OF GENOCIDE
CANADA

Još jednom dajemo apsolutnu podršku povratnicima i njihovim potpuno opravdanim zahtijevima da ne žele i neće živjeti u etnički čistom getu koji se ponovo poslije holokausta javlja u Evropi i u kome su na najbrutalniji način narušena osnovna ljudska prava i slobode.

Kongres Bošnjaka Sjeverne Amerike

Institut za Istraživanje Genocida Kanada